

UDHËZIM
Nr. 6, datë 8.7.2026

**PËR DISA NDRYSHIME NË UDHËZIMIN NR. 4, DATË 31.12.2020, “MBI
KRITERET DHE PROCEDURËN PËR CERTIFIKIMIN E OPERATORËVE TË
TURIZMIT DETAR”, I NDRYSHUAR**

Në mbështetje të nenit 102, pika 4, të Kushtetutës së Republikës së Shqipërisë, dhe të pikës 3, të nenit 5, të ligjit nr. 43, datë 27.4.2020, “Për aktivitetet e turizmit detar”, të ndryshuar,

UDHËZOJ:

Në udhëzimin nr. 4, datë 31.12.2020, “Mbi kriteret dhe procedurën për certifikimin e operatorëve të turizmit detar”, i ndryshuar, bëhen këto ndryshime:

Në kreun IV, pikat 2, 3, 4 dhe 5 ndryshohen, si më poshtë:

“2. Brenda 5 (pesë) ditëve pune nga depozitimi i kërkesës në portalin qeveritar *e-Albania*, Sekretaria Teknike kryen verifikimin paraprak të dokumentacionit të paraqitur dhe merr vlerësimin e Agjencisë Kombëtare të Bregdetit mbi kapacitetet dhe karakteristikat e zonës së kërkuar për ushtrimin e aktivitetit të turizmit detar.

3. Në rast se gjatë verifikimit paraprak konstatohet se dokumentacioni i paraqitur nuk është i plotë, Sekretaria Teknike njofton kërkuuesin nëpërmjet portalit qeveritar *e-Albania*, për plotësimin e dokumentacionit dhe i cakton një afat prej 10 (dhjetë) ditësh pune për paraqitjen e dokumentacionit të plotë. Pas plotësimit të dokumentacionit, dosja i paraqitet Komisionit për shqyrtim dhe vendimmarrje.

4. Agjencia Kombëtare e Bregdetit jep vlerësimin e saj brenda 5 (pesë) ditëve pune nga marrja e kërkesës së Sekretarisë Teknike. Për nevoja të vlerësimit, Agjencia Kombëtare e Bregdetit mund të bashkëpunojë me institucione të tjera kompetente.

5. Pas plotësimit të dokumentacionit dhe marrjes së vlerësimit të Agjencisë Kombëtare të Bregdetit, Komisioni i Standardizimit të Veprimtarive Turistike merr vendim për lëshimin ose refuzimin e certifikatës “Operator i Turizmit Detar”. Vendimi i njoftohet kërkuuesit nëpërmjet portalit qeveritar *e-Albania*, brenda 5 (pesë) ditëve pune nga data e marrjes së tij. Në rast refuzimi, vendimi duhet të jetë i arsyetuar.”.

Ky udhëzim hyn në fuqi pas botimit në Fletoren Zyrtare.

MINISTËR I TURIZMIT, KULTURËS DHE SPORTIT
Blendi Gonxhja

